




Republika e Kosovës / Republika Kosova / Republic of Kosova



Komuna e Podujevës / Opština Podujevo / Municipality of Podujeva

---

**KOMUNA E PODUJEVËS**  
**DREJTORIA PËR KULTURË, RINI DHE SPORT**  
**Datë 05.02.2021**

Bazuar në nenin 62 pika 3, të ligjit për vetëqeverisje lokale nr. 03/L-040. Rregulloren MF-Nr.04/2017, mbi kriteret standarte dhe procedurat e financimit publik të OJQ-ve, neni 61 paragrafi 1 dhe 2 të statutit të Komunës së Podujevës nr. 01-020/01-0050862/18 dhe Vendimit të Kryetarit të Komunës për shpalljen e thirrjes publike për mbështetje financiare publike për projektet, programeve të organizatave joqeveritare në Komunën e Podujevës nr. Protokollit 02-691/07-0008765/21 datë 04.02.2021

### **THIRRJE PUBLIKE**

**Për ofrimin e mbështetjes financiare publike për financimin e projekt propozimeve të OJQ-ve, për organizimin e aktiviteteve rinore/kulturore në Komunën e Podujevës.**

1. Drejtoria për Kulturë, Rini dhe Sport në Komunën e Podujevës u bënë thirrje të gjithë OJQ-ve të regjistruara në Republikën e Kosovës, të aplikojnë për mbështetje financiare për projektet që kontribuojnë në zhvillimin dhe masivizimin e organizimeve rinore/kulturore gjithnjë duke u bazuar në politikat programore të Drejtorisë për Kulturë, Rini dhe Sport, në Komunën e Podujevës.

2. OJQ-të, në përputhje me këtë thirrje publike mund të aplikojnë me projekte propozimet për organizimin e aktiviteteve kulturore dhe rinore.

3. OJQ - të, mund të aplikojnë me një projekt që kontribuojnë në organizime rinore - kulturore, përmes aktiviteteve si më poshtë:

- Kinematografi.
- Art.
- Trashëgimi e turizëm.
- Balet.
- Festivale.
- Panairë.
- Ekspozita.
- Manifestime.
- Promovimi i Vullnetarizmit.

- Integrimi i grupeve rinore.
- Fuqizimi i Organizatave Rinore (seminare, trajnime, kurse për aftësimin e të rinjëve etj.)
- Edukimi joformalë (stimulimi i të miturve për edukim dhe arsim).
  - Trajnim
  - Punëtori
  - Debat
  - Tryezë
  - Ligjëratë
  - Hulumtim
  - Simpozium
  - Konferencë

4. Vlera totale e planifikuar e thirrjeve për subvencione për këtë vit është 20,000 € (Euro).

Shuma minimale e mbështetjes financiare që mund të alokohet për çdo projekt është 500 € (Euro), ndërsa shuma maksimale për një projekt është 3.000 € (euro).

5. Afati për dorëzimin e propozimeve është 15 ditë pune, pra nga dt. 05.02.2021 dhe përfundon me datën 26.02.2021.

6. OJQ-të, mund të aplikojnë vetëm me një projekt.

*Periudha e zbatimit të projektit është shkurt 2021 – dhjetor 2021.*

**Kriteret për pjesëmarrje në thirrjen publike të subvencioneve për Kulturë dhe Rini :**

- OJQ-të, të cilat veprojnë në Komunën e Podujevës dhe realizojnë aktivitetin e tyre në Komunën e Podujevës.
- OJQ-të, mund të subvencionohen vetëm një herë brenda vitit nga Komuna e Podujevës.
- OJQ-të, të cilët nuk kanë përmyllur raportin e subvencioneve të viteve paraprake nuk kanë të drejtë të përfitojnë nga subvencionet e Komunës së Podujevës në këtë thirrje.
- Të mos kenë pranuar mjete nga burime tjera të financimit për të njëjtat aktivitete;
- Të mos ekzistojë ndonjë konflikt interesi në mes të aplikuesit, përkatësisht përfaqësuesve/udhëheqësit të aplikuesit dhe organizatës buxhetore apo institucionit publik, siç parashihet me legjislacionin në fuqi në Republikën e Kosovës.
- OJQ-të, nuk mund të përfitojnë me dy ose më shumë projekte nga subvencionet e Komunës së Podujevës brenda një viti, qoftë edhe në kategori të ndryshme. Si dhe kufizimet e parapara me rregulloren për subvencione në Komunën e Podujevës.

OJQ-të, aplikuese duhet të dëshmojnë se programi i tyre i punës është i fokusuar në fushat si të cekura më lartë. OJQ-të duhet po ashtu të kenë kryer transaksionet financiare në mënyrë transparente sipas legjislacionit për OJQ-të në Republikën e Kosovës dhe në përputhje me rregullat e kontabilitetit si dhe të kenë përmbushur detyrimet kontraktuale ndaj Komunës së Podujevës dhe të gjithë ofruesëve tjerë të mbështetjes financiare publike.

Procesi i pranimit, hapjes dhe shqyrtimit të aplikacioneve, vlerësimit të aplikacioneve, kontraktimi, dhënia e fondeve, koha dhe mënyra e parashtrimit të ankesave, trajtimi i dokumenteve dhe kalendari tregues i zbatimit të thirrjes, janë të detajuara në Rregulloren për subvencione.

Aplikacionet, të cilat nuk e kanë dokumentacionin e kompletuar do të diskualifikohen. Dokumentet nuk pranohen pas mbylljes së thirrjes publike. Ngarkimi i dokumentit të gabuar ose jo të skanuar mirë, me pamje jo të qartë konsiderohet si mungesë e dokumentit. Nuk do të pranohet ndryshimi i subjektit të aplikantit nga individ në cilindo variant tjetër, pas përfundimit të aplikimit. E njëjta vlejn edhe për ndryshim të xhirollogarisë.

Të gjithë aplikantët të cilët kanë ndërruar të dhënat e tyre duhet të sigurohen që t'i përditësojnë informatat e tyre në sistem gjatë periudhës së afatit të aplikimit për subvencione.

Do të konsiderohen për mbështetje financiare vetëm projektet që janë pranuar brenda afatit të paraparë me këtë thirrje publike, dhe të cilat i përmbushin plotësisht kushtet e përcaktuara sipas thirrjes publike.

Të gjitha çështjet që lidhen me thirrjen publike mund të sqarohen në mënyrë elektronike, duke dërguar e-mail në adresën: [dkrs.podujeva@rks-gov.net](mailto:dkrs.podujeva@rks-gov.net)

#### **Lista e dokumenteve të thirrjes publike**

##### **➤ Për OJQ-të:**

- Çertifikata e regjistrimit të OJQ-së;
- Çertifikata e nr. fiskal;
- Vërtetimi/Konfirmimi i llogarisë bankare të OJQ-së (nuk pranohet kopje e kartelës bankare);
- Kopjen e letërnjoftimit/ pasaportës të përfaqësuesit të OJQ-së.
- Vërtetimin që OJQ nuk ka obligime tatimore (nga ATK).
- Deklarta për financimin e dyfishtë.
- Deklarata e partneritetit.
- Formulari i projekt prozimit të thirrjes publike.
- Formulari i propozim buxhetit.

#### **Vërejtje/Kujdes:**

- ❖ *Raporti Narrativ* - i cili përfshin dëshmi nga projekti i aktivitetit qoftë nëpërmjet dëshmimeve të fototografimit. Ky raport duhet të plotësohet dhe të nënshkruhet nga



Personi që ka nënshkruar marrëveshjen për subvencione. Raporti duhet të dorëzohet pas përfundimit projektit.

Raporti narrativ i përgatitur duhet deklarohet:

- ◆ Të përfshijë dokumentacion mbështetës (si foto, regjistrime të ndryshme të aktiviteteve, etj).
  - ◆ Të nënshkruhet nga një person në pozicion drejtues të subjektit grantmarrës
- ❖ **Raporti Financiar** – kërkohet që të përmbushen obligimet e raportit financiar njejtë sikurse të gjitha subjektet tjera juridike. Në përputhje me Ligjin nr. 04/L-57 të gjitha OJQ-të e regjistruara në Departamentin për OJQ, të cilave në vazhdim i'u është dhënë Statusi i Përfitimit Publik duhet të përgatisin një raport vjetor të projektit.

Raporti financiar i përgatitur duhet deklarohet:

- ◆ Të përshkruajë shpenzimet në përputhje me buxhetin original duke reflektuar shpenzimet e kërkuara dhe ato të kryera
  - ◆ Të përshkruajë çdo pajisje të blerë.
  - ◆ Të evidentojë çdo fond të pashpenzuar (të cilat duhet të kthehen ose për të cilat kërkohet shtyrje e afatit të përdorimit).
  - ◆ Të nënshkruhet nga një person në pozicion drejtues.
- ❖ Të gjitha aplikimet të cilat nuk do të kenë dokumentacionin e kompletuar nuk do të merren parasysh.
- ❖ Ju lutemi që projekt propozimin ta shkruani në formë elektronike, (të printuara). Projekt propozimet me dorëshkrim nuk pranohen.
- ❖ Dokumentat e kompletuar dërgohen në zyrën pritëse, kati i parë në Komunën e Podujevës, në zarfe të mbyllura.
- ❖ Nuk do merren në shqyrtim /Shoqatat/Ojq-të, të cilat nuk janë treguar të përgjegjshme në deklarin dhe formen e mbajtjes së aktivitetit në vitin kalues.
- ❖ Vetëm projektet që janë në përputhshmëri me kriteret për aplikim të cekura më lartë, do të procedohen për shqyrtim nga komisioni i përzgjedhur.

**Drejtoria për Kulturë, Rini dhe Sport**

**Rruga "Nuhi Gashi", Podujevë**

Në zarf të shkruhet qartazi:


Drejtuar Zyrës së Shërbimit për qytetarë në Komunën e Podujevës:

Aplikim në kuadër të Thirrjes për projekt-propozime për vitin 2021

Emri i aplikantit: \_\_\_\_\_

Titulli i projektit: \_\_\_\_\_

**DREJTORIA PËR KULTURË, RINI DHE SPORT, DO TË VAZHDOJ PROCEDURAT E REALIZIMIT TË THIRRJES PUBLIKE KONFORM DISPOZITAVE TË PËRCAKTUARA LIGJORE. POR PËR SHKAK TË GJENDJES SË KRIJUAR NGA COVID 2019, MËNYRA E REALIZIMIT TE PROCEDURAVE TË THIRRJES PUBLIKE DO TË JETË KONFORM VENDIMEVE TË NIVELIT LOKAL DHE QENDROR.**



**DREJTOR**

*për Kulturë, Rini dhe Sport*

*[Signature]*

**Elhame Kutllovci**